

玉函山房輯佚書

玉函山房輯佚書目

經編論語類

古論語十卷

齊論語一卷

論語孔氏訓解十卷

漢孔安國

安昌侯論語十卷

漢張禹

論語包氏章句二卷

後漢包咸

論語周氏章句一卷

後漢周氏

論語馬氏訓說二卷

後漢馬融

論語鄭氏注十卷

後漢鄭元

論語孔子弟子目錄一卷

後漢鄭元

論語陳氏義說一卷

魏陳羣

論語王氏說一卷

魏王朗

論語王氏義說一卷

魏王肅

論語周生氏義說一卷

魏周生烈

論語釋疑一卷

魏王弼

論語譙氏注一卷

晉譙周

論語衛氏集注一卷

晉衛瓘

論語旨序一卷

晉繆播

論語繆氏說一卷

晉繆協

論語體略一卷

晉郭象

論語樂氏釋疑一卷

晉樂肇

論語讀注一卷

晉虞喜

論語釋一卷

晉庾翼

論語李氏集注二卷

晉李充

論語范氏注一卷

晉范甯

論語孫氏集注一卷

晉孫綽

論語梁氏注一卷

晉梁觀

論語袁氏注一卷

晉袁喬

論語江氏集解二卷

晉江熙

論語殷氏解一卷

晉殷仲堪

論語張氏注一卷

晉張憑

論語蔡氏注一卷

晉蔡謨

論語顏氏說一卷

宋顏延之

論語琳公說一卷

宋釋惠琳

論語沈氏訓注一卷

齊沈麟士

論語顧氏注一卷

齊顧歡

論語梁武帝注一卷

梁武皇帝

論語太史氏注一卷

梁太史叔明

論語褚氏義疏一卷

梁褚仲都

論語沈氏注一卷

沈峭

論語熊氏說一卷

熊埋

論語隱義注一卷

論語范氏注一卷晉范甯撰甯有尚書集解春秋穀
梁傳集解已各著錄此注隋唐志皆不載卷數未詳
陸德明經典釋文引止二則考江熙集解論語十三
家有范甯熙書亦佚梁皇侃作義疏時及見之故亟
引范說又裴駙史記集解亦間稱引茲並採錄共得
四十八節合爲一卷比解經間與舊注不同如說晝
寢云託弊迹以爲發起說三讓兼用兩釋以實所讓
之事而云詭道合權隱而不彰說席不正不坐引禮
諸侯三重大夫再重而云各有其正也不苟隨俗能

發前人所未發其他訓詁亦具有典則蓋武子一代
經師迥異清談之士得茲編與書解存之雖非完帙
可與穀梁之注想見其根柢焉歷隋志論語別義十
卷范廙撰或是范甯之誤晁公武讀書後志云歷城
馬國翰竹吾甫

論語范氏注

晉 范甯 撰

學而第一

貧而無諂

不以正道求人爲諂也

皇侃義疏

子曰可也未若貧而樂富而好禮者也

孔子以爲不驕不諂於道雖可未及臧也

同上

子貢曰詩云如切如磋如琢如磨其斯之謂與也

子貢欲躬行二者故請問也切磋琢磨所以成器

訓誘學徒義同乎茲子貢富而猶恡仲尼欲戒以禮中子貢知心厲已故引詩以爲喻也

同上

爲政第二

言寡尤行寡悔祿在其中矣

發言少過履行少悔雖不以要祿乃致祿之道也仲尼何以不使都無尤悔而言寡尤悔乎有顏淵猶不二過蘧伯玉亦未能寡其過自非聖人何能無之子張若能寡尤悔便爲得祿者也

同上

哀公問曰何爲則民服孔子對曰舉直錯諸枉則民

服舉枉錯諸直則民不服

哀公捨賢任佞故仲尼發乎此言欲使舉賢以服

民也

同上

或謂孔子曰子奚不爲政子曰書云孝乎惟孝友于兄弟施於有政是以爲政奚其爲爲政

夫所謂政者以孝友爲政耳行孝友則是爲政復何者爲政乎引周書所以明政也或人貴官位而不存孝道故孔子言於此也

同上

八佾第三

君子無所爭必也射乎

射無爭

同上

里仁第四

子曰我未見好仁者惡不仁者

世衰道喪人無廉耻見仁者既不好之見不仁者亦不惡之好仁惡不仁我未覩其人也

同上

子曰君子之於天下也無適也無莫也義之於比

適莫猶厚薄也比親也君子與人無有偏頗厚薄

唯仁義是親也

皇侃義疏○陸德明
經典釋文引首句

子曰君子喻於義小人喻於利

棄貨利而曉仁義則爲君子曉貨利而棄仁義則

爲小人也

同上

見不賢而內自省也

顧探諸已謂之內省也

同上

公治長第五

子謂公治長可妻也雖在縲紲之中非其罪也以其子妻之

公治長名芝字子長也

皇侃義疏。陸氏釋文司馬貞史記索隱引云公長

長字子芝公治行正獲罪罪非其罪孔子以女妻之將

以大明衰世用刑之枉濫勸將來實守正之人也

義疏

子使漆彫開仕對曰吾斯之未能信子說

開知其學未習究治道以此爲政不能使民信已

孔子說其志道之深不汲汲於榮祿也

皇侃義疏

孟武伯問子路仁乎子曰不知也又問子曰由也千

乘之國可使治其賦也不知其仁也

仁道宏遠仲由未能有之又不能指言無仁非

誘之教故託云不知也武伯意有未愜或似仲尼
有隱故再問也賦兵賦也孔子得武伯重問答又
直云不知則武伯未已故且言其才伎然後更答
以不知也言子路才勇可使治大國之兵賦仕爲
諸侯之臣也

同上

赤也束帶立於朝可使於賓客言也

束帶整朝服也賓客隣國諸侯來相聘享也

同上

宰予晝寢子曰朽木不可彫也糞土之牆不可朽也
於予與何誅

夫宰予者升堂四科之流也豈不免乎晝寢之咎
以貽朽糞之譏乎時無師徒共明勸誘之教故話
夫弊跡以爲發起也

同上

令尹子文

子文是諡也

同上

匿怨而友其人左丘明耻之丘亦耻之

藏怨於心詐親於形外揚子法言曰友而不心而

友也亦丘明之所耻

同上

雍也第六

子謂仲弓曰

謂非必對言也

同上

子曰不有祝鮀之佞而有宋朝之美難乎免於今之世矣

祝鮀以佞諂被寵於靈公宋朝以美色見愛於南子無道之世並以取容孔子惡時民濁亂唯佞色是尙忠正之人不容其身故發難乎之談將以激亂俗亦欲發明君子全身遠害也

同上

子曰誰能出不由戶何莫由斯道也